

明

詩

紀

事

明詩紀事

貴陽陳田輯

卷之六

徐枋六首

枋字昭法吳人少詹事汧子崇禎壬午舉人有居易
堂集二十卷

葉燮已畦集俟齋先生以名貴公子才名甚盛早歲
掇科名處之間然絕驕矜去鄙吝鼎革時考文靖公
死之先生誓從死文靖曰我死君不可不死也爾死
親使爾有子又將爲親死則子孫遞死無噍類有是
乎手揮先生曰去先生號泣殮公畢徒跣以遜裹足
荒山中以死志未遂形存而志等於死生平戚友俱
絕操作勤苦非力不食歲祁寒一女三歲衣不完致
寒疾十年不瘥兒年十二飢不得食病不得藥以死
先生歎曰人情孰不愛兒女喪行以殉兒女不敢以
彼湯此川湖大帥蔡聞先生名不敢以金甕致以名

藥值千金因馮生羽以道意謝不受巡撫唯陽湯公重先生屏徒從微服至門則先生已避之秦餘山湯公喟然曰賢者不可測如是徘徊久之而去時時事爲寶例不書款年七十三卒先生一生以身繫名教辱者五十年志以屈而伸身以晦而榮以視碌碌降且王峻艮齋集俟齋遜跡不出初居鄧尉山中後隱靈巖之上沙土舍數椽讀書其中布衣草履終身不入城市常賣畫自給雖藜藿不繼而莫能強以一錢之餽時以俟齋與宣城沈青民嘉興巢鳴盛爲海內三道民俟齋山水宗畫巨間法倪黃當其得意自謂前無古人田按俟齋高節全陽山謂以陽文正之賢欲致一絲一粟且不可得惟南獄大師備公獨飲之食之其死也也戴南枝賣字吳門以葬之可稱千古韻事余見俟齋洞上草堂圓錐筆山水草屋數間後有遺像附遺囑一紙云一寡媳孤孫不可移居蕩口山居不便入城可也一自身後一應家事無論巨細俱要仰重楊先生經理悉聽主裁自然盡善吾生平知之深而信之篤謂在我可託孤寄命者兩人一爲易亭一爲次第呻吟在我可託孤寄命者兩人一爲易亭一爲次第呻吟

俟面囑哉至拙集遺文前已與次畊面言不必更贅矣書畢灑然甲戌年九月二十日已刻秦餘山人俟齋遺囑付寡媳華氏收執臨危之筆考易亭名无咎維斗先生子草堂圖前後二十餘頁有王蘭泉潘三松伊墨卿阮雲臺孫淵如梁山舟洪北江袁子才諸人題跋此冊於光緒丁酉入廠肆爲一豪家購去庚子之亂豪家遭兵火想已同爲灰燼余錄俟齋詩附詳其事於此

懷人詩九首

錄三

靈巖和尚與余敦人外之契有年矣余嘗柬一友云靈巖爲海內所宗仰諸方耆宿謂此唐宋以來諸大善知識中之所少也至其篤好人物別具至心望之如渴視之如傷余則以爲此唐宋以來諸大善知識中之所絕無也

靈峰絕天表孤雲傍琴臺傳燈曉長夜法界森昭同當茲象

教晦一出溟濛開慈心接羣品物色來塵埃野人荷深鑿千載同襟懷視之猶如傷茫然令我哀仰首睇翠微幾時陟崔嵬但聞塔鈴語惻惻從風來

遠人遠遊之人也死生契闊數年不一面嘗夢見之而不能一言若存若亡邈如隔世亦竟不能舉其名字矣遂以遠人稱之可悲也已

嗁呼魯仲連屈強不帝秦區區蹈東海大意終能伸胡然天帝醉金符被強羸眇焉匹夫節而與天帝爭十年遍天涯四海誰情親一心貴有託豈敢輕死生故人在畎畝攬涕爲屏營念子不成寐落月空照庭願言入我夢夢見遙呑聲

髯叟南明方夏氏也爲人長者重然諾亂後與余定

交周旋緩急時刻不爽嘗索余畫冊爲余代償斤金
焉

角里有髯叟幽棲稱隱君生平在然諾緩急嘗殷勤千金重
心期一言比蘭薰余年踰弱冠賓從常如雲結交多老蒼不
如鬱超羣俯仰十六年所志高秋寥落余一毫素價抵雙南
金斯人未易期薄俗徒紛紜

戊申春二月送筇在道兄越遊

二首

瓢笠容君老江山未定居行吟過越嶠作賦愛吾廬

筇在爲上草堂賦余作澗故及之

澗上鶯花寂天涯雁侶疏君行吾悵望且復寄雙

魚

花雨淹遊屐樵風送客舟江山猶故國耆舊盡荒邱一往滄

洲遠千春杜宇愁此行非避地乘興獨相求

重過治平寺次先中丞公韻

一葉蒼茫泛五湖登臨勝境屬浮圖青山白社人空老古寺
閒房興不孤極目林巒隨杖屐會心煙水映菰蒲千秋手澤
重瞻對丈室居然冠我吳

沈壽民

四首

壽民字眉生宣城人縣學生舉賢良方正有剩菴詩

稿

黃宗羲南雷文定有明之輔臣以奪情見劾者三人
曰李賢張居正楊嗣昌然劾賢之讐一峯劾居正之
趙吳艾沈鄧皆有祿位於朝唯劾嗣昌之沈耕嚴則
諸生也賢與居正皆天下無事之日所失不過一身
嗣昌當危急存亡之秋所關乃在社稷耕嚴之言拯
溺救焚懸記後來不爽累柔又非一峯諸公所言僅

在時者也。詩話崇禎丙子詔舉賢良方正巡撫應天都御史居志。其宣御靜居一時。大史張公國維以宣城沈徵君壽民應詔既入都。總督楊嗣昌居喪起復。業一年矣。君命莫可委疏。抗疏曰。微君抗疏入都。應之。不以躬厯戎行滅寇朝食奈何安坐司馬之堂。支吾朝夕。勿委疏。謂之。功虧百子。戮况一熊之釀禍。不及二十萬方張之師。二百八十八餘萬咸集之餉。日以虜師或解體因之。夜以虜屍東身死王門。卽應之。後賊八疇之其紙文燐竟何益哉。又疏云嗣昌旣不獲丁汝夔之刑東行間曲徇之。而復昭力。極十弗慘。振古未聞。甚乃悖逆滔天擅驚陵寢。凡不可以憚而侮。其賊之容。猶不爲一。乃復充整旅之師。雖主憂切。猶不爲二。是如夫如是。則強而撫。寬而宣。蓋以有之。不爲。無之。不爲。惟此。乃可。臣屢而傳。二臣屢而傳。微君政年之無。而

復纍括兩疏之網領上之疏入留中不報乃投劾歸漳海黃公道周歎曰此何等事在朝者不言而草野言之眞希元在朝一月而封事三十六上吾豈可遠愧希元近慙沈子隨拜疏爭之由是臺諫則何公楷錢公增林公蘭友成公勇詞臣則劉公同升趙公士春次第俱上南兵部尙書范公景文復率南九卿具公疏思陵震怒削范公籍解成公赴試餘俱鑄謗無得免者諸公之廷諍實徵君倡之阮大鋮旣得志將出緹騎逮徵君乃變姓名攜家匿金華山中久之還故里終老不出學者私謚曰貞文先生明語林徵君足迹不入城市垂四十年當事委曲納交罕得見而有別駕述其在僧利潛追蹤及之退語二人曰今年唔沈耕岩前年捫黃山天都峯都忘人世朝田按明末吳中二張與江上二沈相配二張謂天如受先二沈謂崑銅耕岩不以名位相甲乙也入國對使焚書溧陽意猶未已耕岩寄書曰冀勝謝枋得其智非不若皋羽所南也而卒以隕厥軀者緣多此物色故耳凡今之欲薦僕者直欲死僕者也溧陽日云丈夫忍饑耿介死不學鷺雁鳴淵啾啾又云但全松

柏性霜雪亦深恩可以見其志矣其卒也黃梨洲銘
其墓曰吳門之卒卽攻王氏之人西臺之哭卽効似
道之臣嗚呼耕岩千載同論

覽古二首

贈簪復何事迺事邯鄲遊一見賜雙璧再見卿與侯甯知萬
戶重不敵魏齊頭徒步走大梁慷慨如有求惜哉謀不成義
至復何尤虞卿雖著書所傳非春秋

漢帝馳六區舞陽亦附骥欽彼鼓刀人密識洞且異鶻達稱
沛公一朝見小利忠言在咸陽痛哭奏忘事子房雖籌策欽
手佐末議孰以一夫勇而有千里智

溪漲

霜雪不出地風雷亦行天如何一夜溪生此聲與顏幽幽太

古山閣奇須臾間

桃源

聞說雲林去，青溪幾樹紅。
人聲雞犬外，古法衣裳中。
漢姓何年異，秦威此路窮。
春桃不耐寂，浪使野航通。

巢鳴盛

一首

鳴盛字端明，嘉興人。崇禎丙子舉人，有《永恩草堂集》。
李詩繫鳴盛，嘉興石佛里人。爲人外和內嚴，與步不踰尺度。舉於鄉，益自刻勵。敝衣草履，如平時人。重其名，爭致之。鳴盛皆謝去。順治乙酉隨一舟頭渡錢塘，宿野寺中。以覩時事，見江東拒守，失往還，乘葉漁舟，由他道還家。廬側構數椽，閉戶不出。鄰里罕見其面。隔溪築一小閣，屋外僅短籬環甃，栽燈檠百本，親荷鉏種菜，以自給。妻錢氏，節婦也。績紡績泊如也。二三友人相造，必具雞黍，但不及人間一字。其特論勉忠孝敦廉恥，期於中庸而已。

題匏杯

回也資瓢飲悠然見古風剖心香自發刮垢力須攻不識金
銀氣何知陶冶工尼邱疏水意樂亦在其中

靜志居詩話李廉肥遯深林絕迹城市時羣盜四起
鏹鐵銕鏹之器無得留者於是遷屋種匏小大凡十
餘種長如鵝頸纖若蜂腰杯杓之外室中所需器皿
莫非匏者遠邇爭倣之搆李匏樽不胫而走海內孝
廉作長歌詠焉茲讀五言一律剖心刮垢蓋自喻也

李世熊十六首

世熊字元仲甯化人萬曆諸生入國朝祝髮號寒
知有寒支初集十卷二集四卷

魏禮季子集閩甯化泉上里有文行奇偉士曰李君
元仲爲人負奇氣植大節更危險死生弗渝篤交友
之義敢任難事其才力足相副生平喜讀異書雖千
里必多方購借之年八十餘讀書至夜分始休六經

諸子百家之言靡不貫究而發諸其古今之文都盛名於海內者六十餘年當國變自號寒支道人徵書累下固謝御之守令監司鎮將至其門者罕能一識

面而隆武監國時用薦徵拜翰林博士君曰不可爲也竟不就蓋君以大節定力自持而審機事故勤靜不失其正也

黎士弘託素齋集先生文奇偉博麗長於推測情變層見疊出雖百家無不窺少獨好韓非屈原韓愈之書故其造就咸有根柢

藍鼎元鹿洲集余聞先生少時嘗單車走泉州出安海潛觀鄭芝龍其意念深矣使先生早年得志莫未甲申間必有可觀者一腔熱血付之清冷之鄉悲夫

文章如韓心事如屈志節之清高管幼安伯仲矣

靜志居詩話元仲詩鍛錯見長淮濱不足田按元仲詩凄婉如削臯羽藻麗似杜牧之沈摯又似黃雙井陳後山去其薰染時習者元仲之真面目矣

淮陰侯

爭同橫死五百獨祠越頭一臣嗟爾淮陰三族徒聞跖犬狺

猶雉烹走狗母哺王孫生死恩讎兩婦人

和陶飲酒

避焚於水濱避溺於山側此計未必然憂患實多途前爲榮
貴引後有貧賤驅所以達者心止足不願餘仲蔚今何歸吾
欲從之曷

鷓鴣行

鷄鴣眼最明羣行啄秋水得鮮滿腹不敢殞吐向漁人何雍
蕪官家今日戒私取爾若爲吏當稱旨江流歲歲網如荼何
處著汝雙眸子

冬舟

霜吹徐徐來沿舟入蘋蓼好山迢遞青一鏡照飛鳥白鳥差

古錄卷十一
一
池穿野菱天寒水落陰棱棱潛雲到地無纖影紅樹圍村知
幾層

雪朝限韻

世鹽刪須淨地文相自難洗心同止水刮目待青山太始潛
無吟化城湯不關霏霏玄唾靜聽眺杳茫間

七里灝

浦漱昂藏石負舟柂鑿鳴一篙移十武列岫轉孤清雪濕雕
簷。杉村深猿狹聲半規千嶂紫夕淩水雲平

馮繩波先生令揭陽時侍姬墓在金山同林用始過而

追輓之

返魂無計覓名香東路人間總斷腸夜月珠歸迷合浦春風

花落憊河陽玉釵影化難留燕瑤瑟聲妻泣斷風去住因緣
俱莫問空花看摸眼前光

睡霧岩

峯峯峯色一岩收朝煙暮煙雲來浮山鳥彈聲空翠落松風
灔響秋濤流江寒半落鶴鷗水土淨平分鴛子洲坐對斜陽
翻絕壁只如乘氣汎神舟

讀佟氏幽情錄因弔熊之岡

天壞由來力不支黨人沓沓快恩私襄平一網連江夏佟爲
薦用者臺省批根假北司辨諱豈能伸李賀主逋何處得俟葬
舊家每道偉元孝誰信侍中真可兒

讀劉佐明拜傅相公空墳詩

九土何分室與塋到頭埋骨不埋名世間儘有長生訣拔宅仙人只舍生

聞南曲四首

紅豆秋枝靚可憐坐中驚見李龜年江南風景今全別不似乾元與上元

哽亂哀音不可聞持杯灑痛想汪雲於今獨對幽花泣眼底曾無十八人

宮商離亂怨涼州落葉吹蓬颻似秋未是曼聲過逆旅如何坐上淚長流

顧曲曾依舊令狐棲遲零落事屠沽中朝供奉紛如許肯撲檀槽詎座無

秋海棠

繫臂紅絲縷，纓長珊瑚枝。挂紫銀璫羅衣，新試花陰立。驚見
霓裳舞袖香。

石泉菴

焰心渾欲煮冰華，乞與玄漿漱慧牙。石髓一泓流汗漫，仙人
平等施千家。

方授

二首

授字子留，桐城人。諸生有三奔浙江草，浙游四集，奉
川草。

田間集子留嘗和子美諸將詩悲憤激惋爲雲閒夏
瓊公所賞甲申後祝髮扁舟東下望見鍾山孝陵痛
哭失聲所至賦詩悽愴聞者泣下
居易錄子留甲申後焚棄筆硯逃之四明山中結茅

採橡間爲吟詠流傳人間時謂真隱

桐城方氏詩輯子留國變後飄泊江湖間自號圓道人旣祝髮從浪杖人遊或歌或泣流離悒鬱以死年才二十有七

贈蕭尺木居士

眼枯未忍望鍾陵早見鍾山梅下僧四海有情空入畫千秋
何事欲傳燈敢當倒屣憐貧病聊與科頭數廢興我夢不離
靈谷樹欲隨君住白雲層

喜得戴大書

分手秦淮四月間三年風雨別離顏夢魂不去南朝寺書札
初通東海闕我尙未能知死所君從何處得生還開函總是
長相憶珍重龍眠大小山

王錫闡

一首

靜志居詩話寅旭爲人耿介拔俗詩亦不沿時習
杭世駿道古堂集曉菴性狷介不與俗諧著古衣冠

獨來獨往用篆體作楷書人多不能識凡象數聲律之學殫精研窮必得其肯綮而後已尤邃於厯學兼

通中西之術自立新法用以測日月食不爽杪忽中壽沒且無子孫未從其家求遺書得詩文二帙著述數種有曰大統西厯啟蒙曰丁未厯稿曰推步交朔日測日小記曰三辰略志曰圖解而厯法六卷最爲完善又有厯說厯策左右旋問答答萬充宗徐剛臣諸書言厯事者精核可傳梅氏嘗評近代厯學以吳江爲最識解在青州以上丁子復見堂文鈔曉菴蘊性耿介以志節自勵乙酉以後忍飢杜門歷二十餘年如一日所與游皆一時遺老桐鄉張楊園先生履詳昆山顧石戶先生炎武交最篤石戶云學究天人確乎不拔我不如王寅旭其傾倒至矣予嘗讀先生詩有云我固冰雪心炎燎不能灰又云蟬抱高枝鳴喝死聲不哀繹其志意竊

竊不能灰又云蟬抱高枝鳴喝死聲不哀繹其志意竊

過湘潭業師村居看牡丹

柳塘三里近步屢幾回過爲道名花放春光去已多

李成憲

一首

成憲一名正字正甫番禺人諸生國變後爲僧字雪牀

廣東新語零丁山人番禺諸生丙戌城破其父及於兵難山人乃髡首名今日僧遁居零丁之山遇哀至放聲曼歌歌文文山正氣之篇歌已而哭哭復歌四顧無人輒欲投身大洋以死既又自念吾布衣之士耳與其死於父何如生於君死於父則無子斯死父矣生於君則有臣其尙可以致吾之命而遂吾之志也乎於是棄僧服而返性好獨坐酒酣慷慨爲詩有曰身當病後哀歌短家自亡來骨肉輕又曰多病一身堪久客故園兄弟尙重闇又曰夜夜哀魂同夢父年年孤影愧稱兄又曰當天落日愁無影到地悲風壯有聲皆悲酸慘絕如猿吟鶴唳不堪入耳久之竟鬪鬪以死

獨漉堂集零丁山人旣痛家國之禍東身孤旅寄食於漁者遇哀至則拊心零丁之上撓酒四顧放聲曼

歌所爲詩多刻厲懷惋之音

寶安清明

江邊芳草自清明久客思歸計不成邱隴十年無孝子兵戈
萬死有孤臣身當病後哀歌短家自亡來骨肉輕未諭故園
豺虎窟窮途魑魅尙縱橫

黃濬之五首

濬之初名師正字帥先改名後字靜宜又字波民建

陽人

陳庚煥楊闇初稿王貽上嘗傳濬之小桃源山居一
詩小桃源爲武夷最勝處詳其詩語濬之蓋嘗以黃
冠歸故鄉其後出遊大江南北康熙丁未郡人葉矯
然遇之京口僧寮三伏中爲矯然揮汗賦五律於便
面意氣不少衰後二十年矯然至延令放生菴見其
壁間詩詢主僧云化去五年窮老無子歿於維揚同

人釀金以殯燭然求其全稿不得錄所見詩以歸其
詩妍麗中正復冲遠有王孟風致
全閩詩鶴靜宜爲史公可法幕府上客才如王景略
節如謝皋羽詩筆妍麗不類其爲人

小桃源山居五首

枘鑿方知入世非幽尋勝迹豈全違琴清夜月留僧宿酒熟
春山待客歸自製竹皮籠短髮新裁荷葉理初衣平生羞乞
人間米橡實寒泉可療餓

買山端爲好藏書較勘丹鉛慰索居未醉亦言卿可去相過
先問客何如紅疏葉逕尋詩處香漬蒲汀洗硯餘不欲種松
知歲月年光自分老蟲魚

停雲零雨感天涯臥看仙源萬樹花鄰舍飯香炊薏苡野人
羹美摘芹芽傳書每倩司扉鶴押字能驚拂沼蛙栽菊蓀桑

吾事了石田空種故侯瓜

新蟬響密樹先秋煙梵沈沈靜夜流自淵據梧方喪我何須
攬茝要盟鷗移山愛著愚公號逐日兼無夸父愁聞道仙人
多玩世竹間舒嘯有高樓

嵐光霞氣繞青林設榻松根抱膝吟飲澗野麌歸洞晚隔花
嚦鳥語煙深交多谿友邀諭釣社結山家約會琴爲愛躬耕
從避世遙遙沮溺是同心

李確

六首

確初名天植字因仲更名後改字潛夫平湖人崇禎癸酉舉人有蜃園山游諸集

檇李詩聚因仲甲申後逃迹龍湫山稱龍湫山人數十年不入城市一子早喪家奇貧門無三尺童厨無

褒襄婢惟白頭婦相對間績棕鞋秋冬際俟天僧至長更守帥間其名訪之踰垣避去山中糧絕或給以酒米非其人雖餓勿受也每歲必賦三月十九日詩悲涼感愴讀者哀之又和梅花百詠多以自况其詩

鮚埼亭集乍浦之以科名起者自蜃園先生始三上公車癸未其子諸生觀卒自以爲有隱惡痛自刻責絕意仕進改名確字潛夫彭仲謀作先生傳以爲國難後改名者非也旣游遭喪亂髡其髮別其妻入陳山訓山中童子以自給其自署曰村學究老頭陀居山十年陳山之僧開堂先生避喧始返其蜃園蜃園不卽浦勝地可以望見海市者也又十年先生益困不能保其園寄食於僧寺戚友憐之相與贖園而歸之二老相對時時絕食歎曰吾本爲長往之謀顧蠟魏而未乘桴又未能至於今日悔之無及待死而已疑叔因屬曹侍郎卷圖糾同志復爲繼業之舉且謀其身後徐昭法聞之曰李先生不食人食聽其餓死可矣俄而使至先生果堅拒不受理疑叔固謂曰此非盜跖物也乃納之

手爲丈夫也先生竟以餓死
田按潛夫績鞋臥宮不受人食真有逸民風節所當
列之一代惇史者也詩亦音節抗朗

聽楊太常彈琴詩

有序

西川楊懷玉名正經西陽宣慰使善音律崇禎年間
召定郊廟樂章賜琴一張換文階特晉太常用申後
髡爲僧遊寓於淮張子爾嘗居時彈琴其中相得甚
歡豫章王子于一嘗聽其西方操作五言十律余爲
賦七言長句

秦箏與趙瑟傾耳多繁音惟有蜀國弦能傳獨客心關西老
禪楊業後自言先帝蒙恩厚家世兜鉢一武弁援兵山海馳
驅久時提長劍復邊城時撫孤桐理性情丹心一寸憑誰訴

碧月三更愴自鳴何期薄技承聰眷天子明光初召見祇憂
疆事東西爭那識角音風氣變都護銜新換太常瑤琴傳旨
賜師襄可憐倉猝流氛惡一夜烽煙入建章旄頭星明帝星
落天王聖明不可作故國無家泣旅魂天涯乞食嗟行腳淮
海飄零值故知南州高士今何之空堂今夕復何夕爲君感
激蟬朱絲朱絲有情君不語朱絲無聲君不去西方凝望天
沈沈美人縹渺無尋處

阮葵

生茶餘客話張虞山七夕琴歌序云楊太常名

正經酉陽宣慰司人初官總戎時大祀郊廟樂章失

次宗伯林欲楫薦正經審音律改中書樂成晉太常

賜漢琴唐琴各一亂後流寓淮海自製二操一日西

方思一日風木悲爲作長歌按正經字懷玉家世爲

將少有別解通樂律懷帝召至別殿令彈琴稱善國

變後抱琴逃止故土主陳碧涵家時李子變爲淮安

推官正經往見爲李上客李爲買宅又爲其子納婦

於淮年七十餘而卒葬城東黃土橋與碧涵祖墓鄰近陳氏每墓祭必置酒澆太常墓淮人集中多聽太常彈琴詩平湖李因仲天植詩云淮海飄零值故知南州高士今何之謂碧酒也

清明日長安旅懷

節物傷羈思歸程計夢中柳搖深禁綠花發故園紅鄰火分銀燭街塵暗玉騎上林春已老爲我謝東風

自金家灣出抵桃花灣而歸

地險金家口臨危欲杖藜熬波無剩土
東有公冶場俱煮海栽稻有青
畦海味珍沙虎此地沙最厚故多此山禽賤野雞秋鳥最貴他皆次之夕陽潮漸落寂寥舊桃溪

冒雨尋菊戲簡知己

冒雨相尋憶駱丞茲遊不獨古人能芝蘭祇許來三徑蓑馬

遙知謝五陵紫蟹肥時君莫惜青山晴日我還登誰將老圃圖秋色添箇看花白髮僧

觀濤閣酌萬定遠

海浦潮平一鏡空石欄尊酒此時同秋生故邑蕭條處人在
新亭涕淚中山鳥隔林曉晚日江豚狎浪拜西風聞名欲訪
滄洲客好向鼈磯問釣翁

賦傷鄭嬰垣凍死

有序

老友嬰垣年八十一無妻無子兼無食性高傲物不肯干人真介守者凍死雪中殊深悲悼賦此唁之

貧居傲性不干人楚楚衣冠迥絕塵昨夜雪中騎鷹去自雲
堆裏一遺民

李雲龍

八首

雲龍字煙客番禺人諸生後祝髮爲僧有嘯樓集

廣東詩粹鄧玄度云煙客詩間適恬愉
田按煙客五言律得唐人意境可與區海目繼武

秋日有懷

促織唳寒月柴門終夕閒晨興坐高館木落見前山北雁已
又至故人殊未還芙蓉尙可采涉水爲君攀

訪朱季美環谷莊居

尋君谷口路杖策入孤村逕轉方知處山開忽到門陰崖蒼
樹合幽磴野花繁向夕涼風起高齋聞夜猿

送張山人歸始安兼寄汪伯耳

二月春江深送君歸故林綠波與碧草一倍傷離心故人在

象郡欲往隔湘陰相見煩相問多愁年歸侵

寄陳來獻

東風門巷寂楊柳數枝斜一夜聞寒雨開簾見落花感時念
離索之子臥煙霞願託青松樹山中閱歲華

茅堂

茅堂占西嶺門對亂峯開時有巖花落香從樵徑來松陰宜
散帙山月每當杯十載風塵客勞勞夢乍回

春江泛舟同韓孟郁賦

柳色濛春流黃鶴上釣舟偶來浮海興因作采芳遊楊葉蔽
孤島桃花夾小洲歌聲聽不盡多在水邊樓

韓孟郁招同黃宮諭劉憲副高太守梁韓二明府暨蘇

梁諸公遊浮邱步黃仲韻

仙山在人境出郭憊幽尋花雨散墻廊松雲結暮陰勝情欣
有託酒政膚能禁借問三青鳥何時有報音

送方士招還漳州

津亭橫笛促歸槎一片蒲帆帶暮霞江上疏鐘生遠寺天邊
寒樹接平沙蒹葭雁下人初別楊柳鶯囀客到家聞道清漳
煙水闊相思何處寄梅花

談遷

七首

遷初名以訓字孺木一字觀若海甯人有棗林集

靜志居詩話南都議上景皇帝號曰代宗一時以爲富仲木獨以爲非有答友人問景皇帝廟號詩云成周作謚法大小行乃傳公旦暨師望肇制自聖賢相古后皇沙南郊必稱天易名典克慎敎法宜精專漢

後避
帝諱臨文率拘攀唐以代易世宋以真易玄其
難固邦國文武要略全慶遣奉迎使事兄祖固愆及
平裕陵反黃離位南偏初非因堯城奪門言何謫梁
瑤策始建張懋冊用宣廟號猶未備何以垂簡編禮
臣失不學代乃居世先相越僅五世文義詎可沿
說十五家秉禮恐不然盈庭以爲是橫議臣談遷
抗郡詩輯孺木性孝友而廉不妄取一介藐山張公
孺木以布衣遊二公間頗爲引重高公力薦於朝孺
木固辭不就迨二公相繼野死孺木抱遺民之恫拜
思陵哭故人間關跋涉死於平陽司理廨中吁可悲
已平生深於史學嘗集十五朝實錄並訪崇禎十七
年邸報成國榷一書即皇明日錄也里中盜起竊失
去沈思強索復閱羣書詢訪故老墨枯筆秃飢不及
餐日得十二紙爲率書成約數百卷

田按孺木博綜舊典詩亦長於諺古多哀艷之音

題徐道力壁上墨梅

猶龍蜿蜒幾千尺下挾風雷噴四壁天公激怒醒長夢左耳

割入華陽洞怨血流腥涌墨雲枯鱗脫盡三江凍蒼聳筆筆
皴苔苔寒冰畫裂橫飛來長風萬里吹不落羌笛關山易蕭
索

臨平

宿雲棲嶺上往往有松苓疊嶂樵初到空香梵乍聽魚苗太
湖白桑種陸州青欲問前朝事輕橈此暫停

過魏忠賢葬處

口敕曾聞敵至尊九重日月竟黃昏北邙張趙無歸路西市
斯高有瘞魂國社遂傾悲大廈軍容翻使誑重闕一抔臭骨
何堪記頌德空勞義子孫

舟中雜詠

九河故道改東流此地嘗貽漢帝憂碣石舊思崇伯子代田
今少富民俟天津月落嚦鵠夜瀚海風橫戰馬秋寄慨目前
非一事先須鑿石爲沈牛

渡江

長江駭浪限東南當日降帆有舊慙擊楫空聞多慷慨投戈
畢竟爲沈酣龍天浩劫餘孤塔海嶽書生別舊菴聞道佛狸
曾駐馬豈因佳味有黃柑

廣陵懷古

南朝舊事一蕪城故國飄零百感生柳影天涯隨去葦楊花
江上變浮萍遠山依舊橫新黛斷岸還看散冷螢今日廣陵
思往事十年前亦號承平

邊詞

白龍堆上草千秋元菟城南雨亂流少婦不知邊塞苦時時
飛夢到涼州

文祖堯

一首

祖堯字心傳呈貢人貢生除名山訓導遷太倉州學
正私謚貞道先生有明陽山房詩稿

滇南詩略介石初任名山訓導刊進修日程以古道
訓士士習爲之丕變改太倉學正刊儒學日程頒諸道
生俾日記善過月朔考其進退躬行以率之一時咸成
謂安定復生國變後棄官從中峯蒼雪師遊僑寓呈
陽菴服僧服以青鳥銜自給婁人無賢愚貴賤愈益
敬愛周以粟帛吳浙獨行君子爭相延致歲會講學
後還鄉競爲詩歌送行繪像作傳以誌思慕旣聞道
卒因就其所居室爲位以哭顏曰恩賢廬以祀之私
謚貞道先生

田按陸道威陳確菴東南大儒其於介石心悅誠服

則介石之品可知矣道咸贈介石詩云舉世悲
胥溺中流幸有師發蒙分復安節處明夷盛德古
無敵太和今在茲春風周茂叔靚面莫相疑確菴奉
留介石詩云園橋相圃久蕪萊祭酒家從南詔來青
枝夜迎劉向入絳紳晨侍馬融聞諸生忠孝狀天地
都講詩書起俊才忽報降幡牋牛渚西風一夕捲堂
哀長江鐵鎖竟何爲中夜旁皇泣素絲晝日筆隨降
表進草玄人恐獻文遲武陵洞口桃花笑朱雀橋邊
燕子知獨有孤忠老博士焚冠和淚寫新詩

清浪灘聞杜宇時有還家之想

怪石磷磷與浪平扁舟搖蕩怯前行歸心正與灘俱急況是
重聞杜宇聲

周歧三首

歧字農父桐城人貢生以辟舉開封推官有執宜集

李委舒章集農父爲人溫厚直諒居前使人軒居後
使人輕其學長於經術邃於兵農博於緯數周於人

物其爲詩根柢乎漢魏條頓乎六代茂成乎初盛唐
靜志居詩話農父始入京師卽上書宰相言時政得
失馮公鄭仙薦參宣大軍隨授開封推官參陳元倩
軍復以按僉事銜參史公道隣軍識者比之陳琳阮
瑀其詩雄奮亞於方密之錢幼光
潘江龍眠風雅農父國變後歸築土室吟臥其中足
不履城市以終

藝文吟答陳百史

蟾魄旣西蝕鳥羽亦東藏烈烈驚風吹壁冷燈無光中有獨
居女唧唧聞悲傷問女何所悲不字稱未亡豈悲衾與裯切
恐人無良有客何方來將書委筐箱開緘讀素書姊妹舊成
行上慰顏色好不言夫婿當疊書筐箱中卻拜歸空房孤鸞
戀枯澤彼鳳自有凰感君纏綿意還君明月璫寄謝諸姊妹
勉事新姑嫜

田按漂陽既相將特疏薦巖穴之士寓書將意沈耕
巖對使焚書漂陽意猶未已耕巖以死誓乃免農父
發女吟亦答漂陽御聘書也竹垞詩謂農父參楊
龍友軍死于浙右此係孫武公事誤屬之農父當以
潘蜀藻築土室足不履城市以終之論爲確

方仁植中丞還里

欲反離騷問汨羅至今聲咽洞庭波雲中舊牧堅言戰丞相
神機只講和狂客悲來三策廢仙人舟去五湖多歸思豈爲
鱸魚鱠滿耳秋潭漁父歌

桐舊集中丞撫楚勦賊屢戰創捷而督師重臣乃以
和自誤誤國當時草茅之見朝若列眉而朝臣乃見
不之及何也

弔故相國史道鄰先生

舉目河山勢已更當年百戰此危城恨留一矢浮圖著臂刺

孤忠血迹明，擲杖長憐夸。父沒揮戈難，起魯陽，生相看。惟有
庭前柏，猶宿棲。鳥向我鳴。

魏禮七首

禮字和公甯都人，有魏季子詩文集十六卷。

錢林文獻徵存錄：和公詩若高竹露初下，寒花香未分。孤雲秋正渺，雙雁遠相隨。落魄遠行客，風煙何處村。煙月虛遙夜，溪山帶早秋。與唐人近伯子，叔子不能及也。

吳德旋聞見錄：和公築室翠微峯最高，處名曰吾廬。冰叔爲作吾廬記，稱和公渡海時颶風發舟中，人眩怖不敢起。和公獨起視海中月，作乘月渡海歌，兵變閨門而坐。作海南道中詩三十首，其膽畧過人如此。

田按：甯都三魏長善伯次叔子季，和公善伯任俠好義，當世隱君子。暨侯戚倚以爲安危者三十餘年。叔子家於文，以議論傾動海內。和公稍晚出，師事叔子。其文尤奇，闡警動而終歸於正。大嘗有答人書云：天子不爾去樸久矣。僕者人之本，萬物之根。世道治亂之源也。夫惟樸去，至於盡。而小人盜賊弑逆，蒸報殺戮之。

交以則者仲宋於可以高於學自嘗於噩慮不亂遂以禍害
陳震生相亦吾宋無揚以此者處著根渾聊是變人靡相
元動平似附以有不雄祭子也者論茲渾聊巧則成之所詐矣尋
孝一文人會爲再可合仲貢嘗讀比子春古復莫足以兵戈爲言行世
二時章著其必造之箕遂曰君子固萌出發以芟疫水星辰以乖之
人之盡書師無功義子君君子固屏除以芟旱星以戾治
傾耳可立說得岳吾之爲子仲舒絕矣猶發其災其度殺機樸
倒自投論此於武以明行一王舒爲秋財除旱星以戾治
甚生之以與大穆爲夷權言深然百爲秋財除旱星以戾治
至平水傳子學雖必安以爲論以其喜潤力清之易醞先
詩喜火後固而見無石爲知揚爲爲昌殺盡其災其度殺機樸
格遊而世之輩委得石爲知揚爲爲昌殺盡其災其度殺機樸
奇閩足論雄舒終六堆無言書真雖東葉靡運勢山崩川地
余交惜議書漢不經之得以紀有祖坡盡無使有所崩川地
少李陳問而之能邱仕於爲爲劉不脫由天所下不得震可必
錄元義有强大克滌合春不乖於向喜元作之不得震可必
其仲甚出飾儒金以孔秋知離六而曾氣於之人已折如先
平於高於其於以秦子子公莫經所南悉是人己折如先
易粵可此過祭全檜無固羊甚之以豐反噩困蓋留何之

者

上灘謠

左洋洋右澎澎前立虎後立狼上麻羊下麻羊

難

贈淮安張天中

君子受譽如受毀豪傑報恩如報仇丈夫磊落不得意吹燈
夜起看吳鈎淮陰市上當日午茶亭酒肆喧歌舞不見當時
惡少年何論千金酬漂母天中意氣成春雲子我如逢異地
親樓上鐘聲對曉色門前荒草共黃昏輕舟自過燕齊水長
河濶浪勢千里秦梁不去空南來敝衣短髮見吾子

嘉禾道上

征途嚴夙駕起坐聽雞鳴細雨望中合諸峯雲裏生炊煙村

斷續春草路縱橫苦旱今方稼紛紛又說兵

海淀

李氏舊園

但剩頽垣在猶聞繞徑香藕花知舊恨菱葉滿橫塘石落洞門閉畦寬雲水長紛紛歌舞日種得此淒涼

燕邸偶作

遠望當歸去還登何處樓連陰只似夢見月始多愁饑鳥寒仍出浮雲暮欲收看看燈火夜門掩一庭秋

舍舟行洞口岸

野草野花江上村家家犁耜水田勻鷓鴣飛處橋頭路蠻烟
聲中客子身新夢日多撫薄簾故人春思在衡門此間可有
胡麻飯未許桃源更避秦

潭口尋仙人蹟

我非許道士乘興亦能來但領秋光去石門何必開

林時益

二首

時益甯藩裔孫原名議霧字用霖授國中尉國變

後變姓名字確齋

魏禧叔子集中尉友南昌彭士望九江破兩人挈妻子走建昌士望三至甯都見甯都魏禧立談定交遂同中尉往依焉與諸子結廬金精之翠微峯講易誦史士望嘗遊四方中尉以病多家居並督二家事既日貧中尉日不力耕不得食也率妻子徙冠石種茶親鉏畚手爬糞土以力作夜則課子弟讀通鑑學詩間射獵除田豕有自外過冠石者見圃間三四年頭著一幅布赤腳揮鉏朗然歌出金石聲皆竊歎以爲古圖畫不是過也中尉酒後亦往往悲歌慷慨見精悍之色近十餘年益隱畏務摧剛爲柔儉樸退讓使終身無所求取於人無怨惡於世雖子弟行以橫非相干者勿與較也晚又好禪嘗素食持經咒尤

嚴毅生戒見者以爲老鴟老僧不復識爲誰何之人
中尉更姓林字確齋所製茶高妙遠近名曰林茶江
二王草法詩於杜爲別出人咸推服之

自甯都城陟峴

迢遞出城郭霜煙聞暮鐘人行古細路屋在此高峯煮粥呼
寒女歌詩對小童不須疑物外已有白雲封

下橋

侵晨懷刺出西關每到長橋意自閒兩岸人家齊種樹一溪
流水曲依山下船春米先冬辦船上設輪與臼以隄堰水置船急流處衝輪杵米傍
屋犁田入夜還直欲此間成小築憂時復恐徙家難

徐夜

十首

夜初名元善字長公改名後字東癡一字嵇菴濟南

新城人諸生有東癡詩選

池北偶談東癡年二十九棄諸生隱居東皋鄰黃河
上掘門土室絕迹城市有朱桃椎杜子春之風
漁洋詩話徐東癡余叔祖季木公外孫與余兄弟爲
外從兄弟詩學陶韋曠刻處似孟東野余目之爲礪
松露鶴田按東癡詩清真絕俗時有獨造之語非隱處嚴穴
者不能道也

初夏田園

朱夏輒復變深綠日以肥感彼生物勤節候曾不違清晨荷
鉏出田間人尙稀觀物適自然時見朝雉飛不惜筋力疲但
恐坐食非作勞有時息高舂行來歸端坐撫素琴可以理朝

餕

東村

麥登蠶已盡持斧伐我桑條後盛枝葉次年柯不昌農家節
嗇意不使樹力傷姑息成晚茂誅絕先秋涼今歲旣已矣來
歲豈不霜新絲甫下杼可以爲衣裳非無適體衣於心終有
常

季夏西山

結屋此山間柿陰濃畫暑雲從巖際來向我窗中伫北上最
高峯下瞰臨何許愛彼南澗松去濯清冷渚時來石上坐月
下聞樵語風雨澗香過石田響未添

清濤閣看夜雪題季亮壁

君家清濤閣邊好雪後陵臨更幽窅林村欲近峰欲遙掩映
清光殊了了一幅倪家冷淡皴深寒古穆如其人忽然忘卻

是筆墨巖邊特欲置儂身蒼茫一抹竟何辨高巢老鶴作人
嘆閣東簾影燈火儂茶香坐煖無隆冬就君情話夢君榻懷
抱溪山千萬重

侍家叔夜坐試茶

月吐東峯隙蛩鳴山悄然鳥棲雙樹影僧定一龕禪鐘靜聞
空籟茶香汲夜泉坐深衣露冷不寐抱秋天

秋晚途中

一徑入蟲響層陰天暮寒迴風吹短策落葉下長干雁與關
山盡秋隨天黍殘人家籬下菊忘作故園看

崇川雨泊

身與孤舟暮帆檣落市聲遠潮經岸失鄰火過窗明風雨橫

江夜烽煙近海城故鄉千里外回首憶歸耕

富春山中弔謝皋羽

晞髮吟成未了身可憐無地著斯人生爲信國流離客死結
嚴陵寂寞鄰疑向西臺猶慟哭思當南宋合酸辛我來憑弔
荒山曲朱鳥魂歸若有神

九日登吳山絕頂

漂泊江城漫賦哀更逢搖落此登臺南中節候看人過北地
秋風少雁來雨勢遠從天目入潮聲高擁海門開黃花白酒
傷心日不獨他鄉送客杯

高陽道中

潦餘波水淨漂禾慘澹郊容感慨多地近酒鄉須痛飲時方

秋氣祇悲歌夕陽遠樹迷三鎮古道驚風散九河不見荒城

屠狗客荒城野墅獨來過

夏古丹

三首

古丹本姓胡名涵國變後析姓爲名改姓夏有葫蘆

藏稿

靜志居詩話古丹與吾鄉吳吳縣可黃項上舍子吼
結契是亦湖海之士詩如春風明日動柳色上吳船
晴雲一束山腰白秋色無多樹杪紅非下里音也
鄭元慶湖錄古丹避地吾邑之埭山有張庭賓者不知何許人與古丹遊處古丹有詩輞錄之山齋懸一葫蘆紙盈幅卽投其中古丹沒葫蘆適滿爰繕寫成一帙系以輓詩五章題曰葫蘆藏稿然古丹之詩不盡此也韓子夏廣爲搜求錄一大冊顏曰古丹詩稿吳興詩存古丹本姓胡名涵字天木越中望族生長燕山繼遷白門丙戌丁亥間析姓爲字遨遊溟渤錚錚以豪傑自負其詩顧芊綿婉麗不似其爲人嘗往來吳興餘山乙卯冬卒於茅茨之下山中友人胡山

眉葬之碌南龍興橋畔昔人作詩人九命一曰無終古丹者擬諸唐人亦駱賓王周朴之流歟

立春首一日夜泊橫塘同休菴夜話

久矣厭城市橫塘今夜眠霜風吹徹里星火照殘年爲客艱難盡同僧去住便春風明日作柳色上吳船

獅子崖訪石巢上人

縹缈空中寺高寒物外僧去天方一握浮世隔千層飛鳥相知否孤雲到未曾我來妨屐齒終日步嶮嶒

春歎

燕子歸來門巷差於今王謝已無家東城甲第空流水南國衣冠半落花白髮亂中春雪老青山醉後夕陽斜自騎款段和風裏不羨長安白鼻駒

薊過庭

二首

過庭本姓計改稱薊字尊聞歸安人

吳興詩存尊聞父賈於江南稱素封僑寓虞山及尊
聞長揮千金購書典至輒吟詠咄咄自喜喜擊劍好
結客客有罹禍者傾資拯救有俠士風性堅僻視妻子
如路人學禪於苕西葛鷗結廬栽梅竹蒔藥草有
終焉之致偶與遠鄰小不協卽棄去暮年飄泊貧病
卒於苕友人陳蘭碩殯之

田按過庭改姓喜事迹頗矜奇時有佳作如遊雪竇題秀巖但不可多得耳

遊雪竇

野策過眉笠覆肩軍持腰繫踏巖前碓春田舍成村落犬吠
林泉識洞天荒磴夕陽催屐上欹松明月到頭圓好將題字
鐫新竹記取名山信宿緣

題秀巖

絕壁粘菴沁骨冷平臨七十二峯青巖頭花落輕於雪湖面
船浮小似星忽地放歌驚谷鳥從天得何笑山靈不須更覓
安心法到此都教百慮甯

張蓋 九首

蓋字覆輿一字命士永年人有張子詩選

嘆書亭集永年有隱君子曰張蓋能詩文工草書創後謝去學官弟子悲吟侘傺遂成狂疾嘗遊齊晉楚豫間歸自閉土室中引酒獨酌醉輒痛哭雖妻子不得見惟同里申涵光雞澤殷岳至則延入土室談甚洽其爲詩哀憤過情恒自毀其稿或作狂草累百過至不可辨識乃已久之狂益甚竟死其五言詩尚簡方詣古人居易錄廣平張覆輿贈申鳩鳴一絕云草澤賢豪盡上書奎章閣外卽公車我同漁父因衰老獨有涵光是隱居田按覆輿五古神似杜陵其情景亦宛肖

寄贈李十三郎君

主人十三齡天駒見龍脊絕塵瀛灑姿能解留人客予時至
平干復若遊山屐足繭澀登途盜賊況充斥躡數里間落
日藏光赤投宿上君堂張燈照昏夕蹇驅足芻茭老病須燭
炙奴僕亦殷勤自來埽床席酌酒須玉瓶傾光泛琥珀感情
欲痛飲所恨胸腸窄恭聞爾先人遺汝登朝馬汝兄善草聖
海內稱名碩汝才駕徐陵準擬文章伯子有兩男兒雞鶯空
毛翮大兒倍汝年弧矢未能拾小兒少汝年祇備樵蘇役何
以汝聰明日夜親圖籍老夫若汝年走馬垂楊陌有時叢臺
下醉舞揮金戰中歲好彈琴素琴橫白石旁植一枝松今已
高千尺忽忽鬢髮蒼自顧無良策何處可容身避地來山澤

三
結交無老少遭時有順逆長嘯望停雲題詩謝疇昔

昭明臺呈襄陽諸公

楚郡蟠江腹危樓逼太清窗通高鳥過檻俯白雲生帝子留
文字羣公列治平我來戎馬際登眺獨含情

秋興

免嶺郁雲外羊祠楚甸中鄉心堪夜雨旅病苦秋風拗橋垂
丹寶江蕉卷綠叢幽姿不可見倚樹獨書空

盧工部說楚中山水

說峽山垂座談湖水在襟幾時能到眼此物最關心戰伐周
流阻窮愁老病侵酒中聞勝事感動一長吟

渡沁水宿穆陵關

斜陽明晚渡倦馬踏寒雲岸動移舟影沙喧落雁羣山城秋
似畫水市暮多聞老客歸心急無眠到夜分

谿村卽事

羈歷樹中行遲緩石瀨清野花閒間色秋鳥落寒聲家住愚
公谷書傳老伏生鄰人自來往日見不知

喜郭楚玉至

五載一相見乾坤幾變更亂離驚汝在衰病惜人情齒髮前
朝貌丹青後世名談詩悲喜外好雨向簷傾

夜泊樊城

竹樹楓林旅舍情無邊星月照江城雲帆夜宿漁燈小山閣
風傳戍鼓鳴鴈雁不來鄉信斷兵戈欲動客心驚明朝白髮

含霜露辛苦黃塵道上行

漫作

玉盤漬墨可二斗高麗蘭紙冰蠶紋醉來揮灑興不盡欲上青天寫白雲

韓昌六首

留字經正大典人有天機子集

池北偶談石耕亂後遊江南徧厯台宕諸勝客死平湖善鼓琴尤工五言詩有句云春愁當二月酒渴起
三更
靜志居詩話石耕善琴所操北音恥作妮兒女之語終身不娶游覽江湖以終今之牧童子也五律清穩頗足名家
田按石耕詩善於寫景不爲詞費而意境自遠

送友人之晉州

策馬不辭勞看君氣自豪秋風雷澤迴寒色太行高黃葉當
關路清霜胭脂布袍遙知初到郡應解醉葡萄

雨中送春

綠草疏籬映水濱清溪寂寂四無鄰一簾細雨仍飛燕幾日
殘花又送春多病翻愁今夜酒傷心如別故鄉人明年客迹
知何在早向天涯慰苦辛

九日登雞鳴山

聞道東籬菊已黃無因移向酒尊旁西風忽起野煙暮落葉
亂飛山樹蒼雁帶寒聲歸渚急江酒秋水與天長浮雲遮盡
登高眼不許愁人望故鄉

山家即事

山家就宿看山月松際清光半未升涼色漸生花徑露微風
欲滅草堂燈壁鄰荒寺疏鐘斷簷壓春星夜氣澄亦願幽棲
來此地柴門相望幾時能

舟行

川長靜無風擊楫逐前侶落日煙水昏舟人暗相語

早發

斜月下煙村孤舟乘晚發臥聽往來船橈聲自鳴軋

周蓼齋

二首

蓼齋字真栖大冶人

楚風補
其詩多見卓子任遺民集
號苦蟲大治遺民與王于一杜子皇遊

秦淮竹枝辭

二首

輕盈繡扇去來風香氣霏微落照紅莫道巫山多少路美人
只隔一簾中

南絃北管不同鄉今日吹彈共一場若問清溪波上影梨園
還是昔時裝

彭士望十一首

士望字躬庵南昌人徙甯都弘光隆武時授兵部司
務再授湖西道改湖東事敗潛身草野以沒有恥躬

堂集四十卷

盧宜士續表忠記清江楊廷麟死於章貢長子城先
卒次子璿七歲義僕楊學負奔門人彭銳家甯都破
掠於兵門人彭士望傾貲贖歸臨江生二子尋卒
二子亦薦清江遂無嗣士望南昌名士具古道者
魏禧叔子集翠微峯距甯都城四十里四面削起百
十餘丈自山根至絕頂若斧劈然上古以來無或登

而居杏城甲子采山隱鑿盤架閣道於山之中幹
辟平地作屋其後諸子講易蓋所謂易堂者也遠近
之賢者南昌彭躬庵句容林確齋貴池方山子先後
附焉山東南隅構草堂阻石爲池蓮華滿其中日勺
鹽庭余獨居之環屋種桃花躬庵詩曰雲中蓮葉秋池
陸麟書眉瓶山館文存躬庵父哲聞漳浦黃道周平
臺召對語歎曰錢漢也臨卒語躬庵當師之適道周
獨思宗怒繫詔獄躬庵傾身營護之甲申變聞閻臣
可法督師揚州招躬庵至則進奇策請用高左兵
清君側之惡可法駭曰君年少氣銳果爾得爲純乎
辭歸挈妻子至甯都依魏禧居翠微峯巔與禧兄弟
講學於此所謂易堂諸子者也時江西講學者易堂
外在星子者曰髻山南豐曰程山躬庵皆與往復大
抵以陽明念庵之說爲宗而歸於有用實可試諸行
事嘗謂天下學者之病在於虛經義氣節曠達文章
延望而至於理學經濟皆虛病也生平嗜朋友海內宿
田按躬庵論學戒虛用世取權蘊非拘於一方者集
中冬心詩數十首愴切沈痛皆中當時之癥結徒以
志以沒悲夫局大壞雖豪傑有志之士拮据赴難無裨毫末齋

木莊同林確齋魏疑叔蓮邱邦士

田家獨楓樹霜丹映寒石微徑出其中白日罕人迹雜子林
子俱沿溪亂澄碧溪上有精廬晴峯何歷歷破碎斧劈文根
齒淨搜濂花木難指數松梧最高鬱梅得數株好老幹竟踰
十喬木見村村隨意自疏密十年戎馬生不復問城邑近郊
獨留此遂與幽人室于此遲邱生庶幾一來卽

冬心

人才天地心長養萬物命學術蠱壞之好惡失其正舉世愛
一同幻出于蹊徑標榜各是非傾危互機笄遂令天失權假
人發眞病盜賊九廟墟將相三木鑿方隅九萬里雞犬不能
靜到今無悔慚耽耽勢彌盛天亦且奈何蕃怨不遑定

秦俗棄詩書宋朝繁議論明廷謹資格以此俱不振宋人稱
堯舜文具樂覽異明人非科目孔孟不能進秦人盜賊心農
兵令嚴信明肯雜秦治到今足無燭救世必偏枯不得驟平
順如藥藥病人瞑眩方和潤亦如厯歲差待後重整頓嗟哉
廟堂客目不經行陣空以文字筆遙敵鋒刃潰敗不可彌
千秋抱長恨

古今用盜賊獨推銅馬帝祖逖與宗澤岳家有名字八日平
湖南俱用賊爲餌少壯籍爲兵峻令嚴節制不似張韓軍殺
掠多縱肆逖以徒手行過淮鋸軍器用賊蹙河南石勒亦歛
避澤誅趙世隆隆弟帶刀侍墜眾露刃立徐語反流涕王善
七十萬呼追同閩境此必有中權不徒感忠義奈何後來人

倉卒輕嘗試孱老稱家翁健婦益抗忿徒使家門空盡殺羣
僕婢澤豈師武臣元祐名進士

古今撫盜賊當問源與流漢制選守令意乃重懷柔其時風
尚醜解劍卽買牛建武十六年屯結連四州許盜自相擿不
罪吏逗留但取獲賊多報最居上優賊解徙其魁受稟賦田
疇自是戶不閉牛馬放不收唐有高仁厚立破阡能謀用一
鬻麌人遂令全賊休六日五寨平未始加虔劉元則董侍選
守地嚴于撤誅其囊橐奸賊出爭自投賊平黜贓吏畀火除
根蟲民賊一元氣變化良有由苟且終撫局疽食正堪憂
漢滅于賈詡亦滅于高賈詡自救死甘爲郭李庸韓盧猶
漢祚曹氏收其功嵩挾震主威不敢聽閭忠并不誅宦官自

謂臣節恭又不誅董卓酈言亦不從子身則養虎于國則養
癱其人實淹博苦被書牢籠丈夫決大策雷電發其蹤呼吸
成敗分覺得姑含容利苟在君國惡名甯在躬我恨張守珪
其事將無同

乙未夏五惶恐灘作

惶恐灘聲五月寒舟程出石報平安英雄此路老俱盡天地
到今愁未寬白日下照水流疾蒼松高鬱雲孤盤江村漸急
求湘鼓野客初聞涕獨酸

題三峴彭中叔青壁堂

青壁覲面幾千尺細看雲煙生石根須教日腳冬回谷獨許
泉聲夜到門客子過談雜醉醉主人冥坐隨朝昏芙蓉翠竹

秋窗冷愁絕中原萬里村

雨漲

春雨連江漲百川蛟龍夜起未安眠平欺綠草全吞岸不讓
青山直到天衝溼盡逢騎馬客乘流時有釣魚船吾生徒倚
將何適空對芳洲獨樹前

自冠石谷口過西橋涉溪並行至水莊古木平疇山川

曠秀慨然有詩

奇石錯立低復昂出谷入谷雲茫茫左折西橋渡溪水回看
諸嶺生煙光平疇野鶴含千樹急湍迴波榮一墻獨此愛山
自朝暮百年與世爲冰霜

同祝仲立瀟湘泛月

十載江湖秋夢多。月明誰共話。煙波憂來只與青山近。老去其如白髮多。芳草同舟公子思。落花空谷美人歌。紛紛木葉辭前渚。獨有西風戀黍禾。

戴笠

二首

笠初名鼎立字則之更名後改字耘野又字曼公吳江人諸生

靜志居詩話曼公谷隱屢耕不入城府句如愁邊細雨孤舟遠夢裏青山故國春夜雨聲中流水急東風陌上野花開眠鳬夢裏誰家地曉鶴聲中故國秋大有孤山處士遺韻

玉峰南郊遇臘庵法兄寄妙喜雲和上

遞浦當時別。恩今二十年。同誰吟笠澤。獨自望琴川。煙水情空切。雲山句已傳。爲蓬徐孺在半偈。寄峰前。

同臞庵次耕問津宿永甯次臞庵韻

逢僧南郭外殊似舊相親冒雨過婁水歸舟溼角巾
士榻吟共故鄉人自是雲深處何須更問津

朱士稚二首

士稚字伯虎更字朗詣紹興山陰人門人私謚貞毅
先生有集

朱彝尊嘆書亭集朗詣所最善者一人曰張生宗觀
宗觀字朗屋善樂府歌詩以王伯之略自許時號山
陰二朗
靜志居詩話山陰二朗具郭景純雋上之才仗劉越
石清剛之氣令假以年直可凌顏鑠謝陳臥子云越
國山川出霸才二子咸以管樂自命誦朗詣讀史詩
云英雄窮賤盡無策天下侯王自有時慨當以慷不
啻擊缺壘也

雞鳴歌

晨雞膠膠天當曙風吹四野行客去月落霜深驚馬鳴嚴城
遠角解秋戍曉塞蒼茫宿雁悲殘星明滅低欲垂

寄童師遠

搖落輕遠道戚戚登南岡西風日以厲塞雁橫天翔浮雲難
自託單絲不易長大輶載秋齊黃金委道傍齊門奏妙瑟芝
蘭行履霜反覆不得歡陟巘思故鄉征人顧短晷人命如夕
陽何爲須臾間困苦以悲傷

明詩紀事

貴陽陳田輯

辛徵

姜塈七首

塈字如農萊陽人崇禎辛未進士除密雲知縣改儀
貞入爲禮部主事遷禮科給事中以言事廷杖削籍
戍宣城同人私謚貞毅先生有敬亭集十一卷

四庫總目塈詩才本清剛氣尤激壯故詩文皆直抒胸臆
自能落落不凡然縱筆所如不暇鍛鍊故粗獷之語亦時時錯雜其間
靜志居詩話廷杖與東西廠錦衣衛鎮撫司用刑之酷前代未有自王振亂政鞭撻朝士大臣有枷項者
迨成化中王直用事廷杖臺省臣王濬李俊等五十六人正德間以諫南巡杖舒芬黃瑩等百三十人死者十一人嘉靖初以爭大禮哭左順門杖豐熙等百

後定陵頗厭建言諸臣疏多留中廷枝痕不用至天
啟四年太監王體乾奉勅大審復開其端重旨成臣
李承繼斃杖下而許顯純田爾耕輩煩刑以騁備極慘毒
揚左諸君子之禍有不忍言者矣思陵卽祚雪消見
視用獄稍平不意嘉魚熊公暨萊陽姜公論列柄臣
時日輻輳逆鱗旣觸天怒莫回捲掠之慘洵九死而
一生者蓋自柄臣自裁而兩公之荷戈終未見釋姜
公臨歿語其子安節實節曰敬亭吾戌所也戌者吾
君所命吾未聞後命而君亡吾猶罪人也死必埋吾
君戊所乃葬宣城公晚歲始爲詩風格一本杜陵其自
序云記哀鳴於異鳥感音節於候蟲可謂善於喻物
者矣

田按明初開國作法於涼太祖成祖淫刑以勦戮功
臣則波及文士屠節士則蔓及十族子孫胥之廷杖
之刑若專爲忠直敢言之士而設一代之弊法也思
陵初政非無可觀乃不久而信用僉王摧折正士如
黃公道周解公學龍美公塚熊公開元皆不免廷杖
雞鶩翔鳳凰在笯悲夫

搖落用杜韻

旅食頻頻改朱雲冉冉流弱齡辭海岱老眼送江舟
內三年字山中五月裘飄零吾已厭何得更高秋

宣州有感

南國遷流日西京喪亂年山城睥睨處水樹隱明邊花墅陳
梁在詩名謝李傳祉今成浩劫未覺盡前賢

薄遊

淮南霜落雁初飛河上菱花菰米肥少壯幾時人已老簡書
猶在客安歸十年往事傷銅馬四海相知盡布衣荷芰秋風
隨意去江邊莫厭舊漁磯

東歸省墓留別吳門親友

身世繇來歎轉蓬汀洲况復滿秋風百年作客鬢眉老千里
還家道路窮北海松楸瞻望裏東吳兒女亂離中笛亭相送
尋常事此別還須努力同

寓宣州作

野浦飛花接石關百年心事北樓間乘舟弄月歌仍哭破帽
單衫往復還莫向此生愁白髮好爲吾骨買青山石金藏表
皆名碩弔古臨風淚欲斑

讀胡天彷集因憶過淮有失尋訪悵然而作

飄飽秋風一葉孤草晝不暇間潛夫花叢竹徑曾添否水濱
山顧復憶無賓客梁園故乘宅魚蝦淮甸射陽湖殺青案牒
相傳久好附征鴻寄入吳

廣陵遇嘉禾友感賦

朝寵西華並馬還。冀曹昔日此鳩班。
人留天寶風塵後，客在雷塘雨雪間。

連歲喪亡哀白馬，幾年離別慘朱顏。
東學士

三詞伯身世傷心庾子山

姜垓

三首

垓字如須，採弟崇禎庚辰進士，除行人，有《簫管集》。

張貞半部萬如須先生入行人司署見題名碑載崔呈秀阮大鋮與魏公大中名先生上言大中忠節襄
卹之臣不可與奸逆同列請鏟除崔阮名上從之及
其兄下詔獄先生晝夜號呼奔走營救得不死國變
後流寓天台號仁石山人莫年與兄共隱鹿洲鶴市
之間論文講學以仁義忠信爲旨三吳後學翕然從
風兩先生歿吳人築祠鶴澗上祀之

靜志居詩話如須詩篇溫潤而抑栗
魏禧叔子集公詩沈鬱離憂無媿三百篇之旨

蘭江歲晏雜感

未遇孫登嘯猶工庾信哀殘花三載過歸雁數行來刀尺寒衣改關樓暮角催妻孥回首地翻恨別天台

雨華菴

隴首涼風起空田野鵠鳴院青深映竹江暗遠浮城八月旅還滯三山情易生鄉僧出徐充泰岱語分明

江天閣眺覽

別浦凍雲飛不遲稷苗黯黯黍離離雨邊楓樹伍員廟江口蓼花文相祠驥驥病殘五馬渡鳳凰栖老萬年枝重山縹渺非京縣日暮高樓有所思

王嗣翰 一首

嗣翰字侍臣邵陽人隆武丙戌舉人有六聲亭草延

喜堂集石崖研莊諸稿

沅湘耆舊集侍臣性奇敏尤善臨池長洲徐元歎有
寄邵陵王侍臣詩云土壁昏燈雞再曉夜闌樓色轉
低迷秋來積水無情闊此夕愁君夢晝溪

楓嶺隱居

小築頻年住水涯環山又認是吾家非緣好事開幽徑偶引
餘情拾落花未歇琴書消歲月無多鬢髮老煙霞領雲伴我
如相得漫學東門日種瓜

王嗣乾

一首

嗣乾字稚潛嗣翰弟隆武丙戌舉人有黃雪園集

沅湘耆舊集稚潛詩雅高老

九日送潘章辰夢白歸武岡

登高已自謝才名詩卷相看氣漸平乍笑鬢眉同洛社且忘
風雨在彭城河山漫送羣公淚絲竹難陶晚歲情世事未堪
容久住各攜歎息返柴荆

黎延祖

一首

延祖字方回番禺人主事遂球子貢生以蔭除錦衣
僉事有瓜圃小草

秋螢

度水飛將星影亂入林園作野燐愁東家織女無燈火莫惜
餘光過小樓

黎彭祖

一首

彭祖字務光延祖弟貢生有酌啜堂集

將進酒

將進酒進酒當君敘歡悅朝歡盡白日夜歡繼明月人生世事請莫爲金樽有酒斟酌之不見綠髮易爲白逝水不復回歡樂安可辭富貴何時來囊中有錢但沽酒糟如邱吾獨守醉後還高歌歌闋拔劍重起舞吁嗟酒人留名千古

張若化

一首

若化字雨玉漳浦人崇禎丙子舉人官御史

黃日紀全閩詩儔丹山二張文章宋之二宋清節則古之二墨及文明之門又濂溪之二程也不以儒學頭以遺老傳各年八十餘疏食撰述化及盜賊豺虎相遇不傷豈惟完人亦異人也東南矯外詩話雨玉弱冠卽師事黃石齋先生得明誠之旨及律歷之學官京師時值石齋入詔獄雨玉

改服雜廁役中入獄間視後歸居丹山之中四十年足迹不履城市年八十無疾卒

謁黃文明師墓

城郭人民是耶非不堪獨鶴隴頭歸草堂尙有青榕在纔上空壇淚溼衣

張若仲

一首

若仲字吉友若化弟崇禎庚辰進士官益府長史

全闕詩儔吉友與兄同師黃文明同隱丹山卒年八十四

春寒

待得春深還苦寒碧煙如楮裏峰巒山靈似喜人多病不顧
囊空藥餌難

陳孝威

一首

孝威字興霸臨川人有壘山集三卷

今世說陳與弟喜談兵論劍抵掌天下事酒後耳熱輒罵古僞豪傑不中一文錢
田按興霸弟少遊哭兄詩注云兄上疏擊五虎又詩云間關百死髮猶影堪著行驍御史貂蓋嘗於永厯時官御史

幕府唱和詞

暴雨蒼煙罨碧山欲埋姓字海雲間勸君緩覓神仙藥衣白
山人那得閒

陳孝逸

一首

孝逸字少遊孝威弟有癡山集六卷

田按大士先生二子長孝威次孝逸皆能古文守家法少遊詩尤磊砢可傳

金吾較

漢家天子尙規模處死如生事事都龍藏多填掖庭女鼎湖
三分天下租可憐思寢半坏聚夜臺疑是冬青樹影籠殘照
落孤墜百尺蒼茫空鬱翠誰將妃子侍寂寥此山豈容標懷
字比聞陵吏忠足傳棄官宿衛守墳園幾見舊人來下馬時
聽猿鶴唳霜天千椒猶執金吾仗狐兔縱橫不可傍何處黃
冠風雨中一拜一恸一惆悵老卒誓此畢餘生會穿穴畔從
田橫孤臣隱死無名字孝廉爲我書銘旌

戴本孝

四首

本孝字務旃和州人推官重子有鴈阿山樵集

漁洋詩話務旃詩畫皆絕俗在京師一夕聞人談二華之奇晨起卽襍被往遊其興會不羈如此

田按鴈阿山樵畫善用乾筆積墨磊柯彌覺葱蔚

泊慈姥磯雪歸陶窳

犀風捲江白飛檣去如矢雨注空濛中望之失遠邇慈磯中
流眼雲頹曳不起荒時麥芊芊草春吹欲死拂頰跋沙涂履
穿印寒趾草堂松火紅影照歸人喜

中山老嫗

中山田家有老嫗年近八十矣失其姓氏甲申五月
聞國難蹈水而死

三百年耕鑿恩深草土間傾危當暮齒激烈僅孀鬟至性何
關學愚忠豈可刪殺青存信史留簡記中山

安遠侯隸卒

南都破安遠侯柳迎降有一隸卒哭叩之曰世受國

恩此行可緩願俟裁之俟怒叱之者三不及駕而行
卒牽其裾力止俟怒甚手批其頰卒哭隨之至中河
橋大聲曰俟不聽我我死矣投河而死

大忠思一歟不售死何逃身賤心難詘名傳義益高忍爲新
手版辱涴舊戎韜自此河邊柳蘸條向碧濤

長干丙者

長干有丙者曳杖挈瓢且哭且笑行至通濟橋植杖
挂瓢脫屨橋上投河而逝人於其瓢中得一詩云誰
把乾坤忽動搖風吹淮水冷蕭蕭逢人莫訴傷心事
乞丐如何愛此瓢

青天蓋黃土生死太尋常欲乞誰家食甘同故國亡一瓢詩

淚盡雙履跡塵香蒙袂眞堪誄斯人豈廟廊

戴移孝

三首

移孝字無忝本孝弟有碧落後人集

擬古

佩莫佩蘚無蘚無易枯槁蓬莫蓬故人故人易衰老故人農
家女新人商家婦新人弄琴瑟故人織流素流素生光華潑
刺比目魚裁爲新人衣顛倒在裙襦新人且莫歡故人何苦
悲新應有故曰故當無新時

答人述先君舊事

莫道吳興事酸風刺骨寒相知皆死別無處問平安故鬼千
家哭孤城百戰難當時衣上血今日與誰看

訓子

已入愚公谷甘爲鄭子貞兒孫猶漢臘雞犬自秦人讀易無如損遺安一味貧更嫌名累汝筆硯不須親

方以智

十三首

以智字密之桐城人巡撫孔炤子崇禎庚辰進士授檢討國變後爲僧名宏智字愚者一字無可別字藥地有浮山全集

陳子龍忠裕集方子移居金陵有詩數百篇名曰流寓草皆憂愀感慨之作也然其情怨而不怒其詞整渾而達其氣激壯而沈實徐世溥榆墩集密之樂府深厚雄傑出奇不窮古風淵雅無復浮聲又能備擬厯代兼擅眾長高涼蒼鬱一振唐風

靜志居詩話先生紛綸五經融會百氏挿三萬軸於架上羅四七宿於胸中早推許郭之人倫晚結宗雷

之淨社樂府古詩磊落欹崎五律亦無浮響卓然名

家讀畫錄無可大師幼稟異慧生名門少年舉進士自

詩文詞曲聲歌書畫雙鉤填白五木六博以及吹簫

撻鼓優俳平話之技無不極其精妙三十歲前備極

繁華甲乙後雜鬟受具耽嗜枯寂齋衣櫛食惟意興

所適或詩或畫偶一爲之多作禪語自喻而已施尙

白云子昔同無道人自蒼梧底廬山見其乘興作畫

多用秃筆不求甚似嘗戲示人曰若猜此何物此正

無道人得處也

無聲詩史密之山水得元人派淡煙點染筆入三昧

柳亭詩話方以智題正學先生祠句十族可憐無姓

字三楊終不是功名爲一時傳誦

寄梅朗三

陰雨忽成雪北風吹樹林江流日千里安知遊子心中夜一
何寒自撫雷開琴瞿硎山中人其當知我心

悉索詩

薄田數百畝連年屬煙塵家儻復乾沒九月不食新匱貨謀
稻梁猶欲延鄰賓鄉人故里至一飯飲以醕啜我何鄙吝憐
我何苦辛望君者甚多不但君家親自恨不巨富又恨不赤
貧巨富可結客赤貧可謝人

答長干舊韻似字昭覺岸

高岡謝疏雨獨立自泠泠空數南朝寺休傷東冶亭江流天
外白山洗晉時青木末遊人少松濤不許聽

小東泉卽事

便門小馬慕安豐尊酒胡牀在水東開徑甃封千樹雨渡人
分送半江風種蘭自不妨高士班草何須問老翁別墅如雲
堪折屐時聞清嘯上樓中

贈聞中劉薦叔

聞君昨歲出溫麻作客荆吳不顧家萬里風塵懶漏影十年
慷慨弔懷沙單衫落葉秋將盡小社城迴菊有花邂逅高談
共尊酒東谿涼月浸蘿韻

送別劉薦叔

遠遊才子著先鞭載筆江湖又十年白眼相逢秋色裏青山
環立酒杯前一時快意難題盡千古銷魂是黯然重詠謫仙
黃鸝白齊飛挂罷落霞邊

告哀詩

守陴神策亂紛營樞密雍容禁請纓東觀土猶朝試閣北衙
軍已夜開城攀鬚竟把龍湖痛噏臂虛傳駱谷行金紫貂蟬

何處哭小臣 血伴闕鳥聲

哭臥子

共指西湖靈隱松 指刻石記相逢
文章自小誇司馬名字
當今比臥龍一死泰山於汝畢
再生苗地爲人傭悲歌奠酒
沅江水與淚東流到九峯

從江上歸里作

新壘依田田半荒廢 歸正月履繁霜暮行有虎
却煙少野宿無鶴寒夜長但有蓬蒿如昔日
卻將桑梓作他鄉城南敗樹多枯骨愁對北風說戰場

南州行

江岸多垂柳春風春日長美人浣衣處無限雙鶯鳴

酒樓贈燕人

燕客善彈箏悲歌舊有名近來離別易不作斷腸聲
一線天

鋸破鳬寄剩漏痕郤閉鐵片夾斜門雁湖太姥國廬客一線
青天請共論

每問

聖主精勤祀典隆四郊遍禮幾年中重修輦道鋪黃土盡撤
街心瓦子蓬

桐舊集先生此題詩四十八首其體似王仲初宮詞
所詠多當時儀制如臨雍云彝倫堂上開黃幄然酒
安然坐講筵郊祀云倣漢竹宮遙望拜正陽竿上九
燈籠冬至云復壁更衣通大道陽生冬至造椒湯雷
鼓云重重紙布膠成革人聽工官說尙疑御輦云三
十二人肩大輦版輿箇鼓步隨聲朝輶云軟底鳥靴

朝上粉御所行處不聞聲樂舞云舞成天下太平字
蜺斗頌圭白打錢賜坐云宮官不具成堂椅有召臨
時賜繡墩稱呼云道長等科員不說詞林通號老先
生拜謁云投帖長班無忌諱當朝宰相亦呼名與衛
云三品肩輿開槐列油幢張蓋出京城

方其義

三首

其義字直之以智弟諸生有次公詩集

錢澄之田間集直之天姿警敏爲詩文不假思索卽
席數十首援筆立就

詩慰直之爲詩英偉抗爽神似古人國變後嘗入斷
事廟祈死子往持之然悲憤卒不能解竟以早死

野宿

芳草闊萋萋鄉心逐馬蹏亂雪時聚散流水漫東西歲月銷
烽火江山入鼓鼙壯懷看漸老惆悵此聞鶴

和李舒章燕臺懷古

薊門秋色冷邊關猶憶龍旗漠北還飲馬直教臨瀚海射雕
誰敢過燕山陣前逋寇新王子口外降兵舊朵顏側席祇今
勞聖主諸臣何以策時艱

懷范小范

堂前白髮近何如菽麥離離好荷鋤貧賤祇求能避世澄清
莫漫說登車已拚歲月供漁艇豈料江關遍羽書風冷漳湖
飛雁少思君夢裏寄雙魚

王光承

二首

光承字玠右上海人有鑑山草堂詩集

居易錄于晉有齋中三詠王玠右草書云逃名東海上時復帶經鋤自是高人筆非關餓隸書王與徐昭法金孝章皆吳中高士也松風遺韻光承福王時被徵知時不可爲佯墮驢傷

足歸與弟烈偕隱石筍里屏迹城市以終
田按玠右詠史詩當是紀弘光時事也

詠史二首

南國花光上紫霄芙蓉水殿白雲遙貢琛使者新乘傳按舞
中官舊賜貂千斛葡萄浮夜月六宮簫鼓動春潮君王不信
毛延壽親駕朱龍選孟姚

曲部新歌夜未闌天街風色似長安袞衣甲第頻開墅錦繩
春光議築壇三輔軍聲雲外迴六朝山色雨中寒旆頭夜夜
明如月多少愁人倚戶看

王烈

一首

烈字名世光承弟

秋日家兄移居

樽前執手淚霑衣蘆荻蕭蕭木葉稀
卻恨不如湘浦雁江南
江北一行飛

梁以柟二首

以柟字仲木錦衣衛籍大興人有潛軒遺詩

今世說梁仲木任俠使義博覽洽聞與弟以樟並有名江淮人士皆宗之

過龍湫古刹

尋源經此地萬象起秋陰一水開龍藏三天下梵音蟲魚驅
浩劫燈火集疏林無著譚經處懸知般若深

湖上贈朱瑜留

艱難百戰日冰戈古黃河入眼遺黎少連天火哨多饑鳥唳
壞洫荒堞枕殘戈與子傳呼急仍看羽檄過

辛鐵卷十七

梁以樟

九首

以樟字公狄以柟弟崇禎庚辰進士授商邱知縣有印否集

喬葉石林集 國家定鼎燕京徵召用勝國諸臣以

樟年幾三十七名傾海內姊夫王文貞父子官津要

頻致書勸駕不應買免避田數十畝棲近於蒼涼煙

水之鄉嘗自比宋之謝臯羽鄭所南亦無愧也

今世說梁公狄初與豫章王子一交兩人論詩每篇

成不卽示草率相攜至荒臺古寺車馬不經處始出

詩共讀狂呼驚拜或至慟哭而後返

安東道中

黃雲橫百里落日大河隄謠俗分南北江山割楚齊人家蠶
月近海微鹵煙低膏雨勞田畯侁侁服犢犢

送王于一移家秦郵

雨雪關河路誰驅妻子行百年猶念亂吾道此孤鳴草木荒
中壘江山老步兵蒼茫甓湖水莫辨鼓鑣聲

西湖雜興

尺幅西陵地偏增旅話長暮笳鳴戍火曉角動星芒馬飲殘
湖水螢飛故苑牆只餘圖畫裏孤笠弔斜陽

登韜光菴

四山青欲下眾樹密難名時有竹光入遠聞泉水聲鼯拌石
子落猿挂翠微行對境忘言說玄情去復生

渡淮至泗上

曾溯荆塗口長淮動地來萬山龍氣合一水霸圖開賈客爭
魚麥周行鞠草萊艱難思過沛重上大風臺

送高二亮歸平州

汝歸觀碣石雲海正蒼茫
天地尙雄畧王孫幾夕陽
白頭差苦飯黃葉夢樓臺
吾道方行旅無爲歧路傷

別攝山瞿大師

蕭然孤衲影高意滿松門
山曙靄青苔林空一鳥喧
世緣紛水淡道味芽苗存
不負靈源意重尋古德論

白田雜詩

吳歎楚舞雜羌歌翠麌紅顏駕橐驅一曲琵琶萬行淚朔風
吹夢度交河

邢上逢舊歌者

內家檀板幾人存凝碧池頭暮雨繁真唱開元供泰山臺城

煙柳自黃昏

姜安節

二首

安節字勉中萊陽人給事中垛子有永思堂詩鈔

宛雅安節之父採抗疏劾首輔廷杖謫戍宣州未及赴而國變卒于吳門遺命歸骨所以無忘故君之命安節扶柩葬散亭移家廬墓遂爲宣城人又面父生前遺齒歸塗萊陽失灑後從萊陽移母櫬來散亭與父同邱別兆葬焉暮年多病猶歲時依墓側風雨不暫離常囑其子曰死必埋我於二親之旁卒同人私諡曰季明

渡江遙憶金陵所知

豆花雨下江水寒旅客早發揚子灣兩岸菰蘆何寂寞青山一望多辛酸遙向南中憶諸子往來只在青山裏箬帽草蓑任去留相思颯颯秋雲起

三
依吳晴巖滿聽樓詩韻奉贈梅東潛

東渚精廬就題詩一寄君薰夢懷十載風雨悵離羣贈客多紅豆怡人有白雲何時畱雙屐把酒挹清芬

姜實節

四首

實節字學在安節弟

今世說學在少不事舉子業獨習爲五七言詩善鑒別書畫及周秦以來器物僞寓吳門所居位置清潔日邀諸名士賦詩飲酒出其所蓄書畫器物摩挲賞玩移日抵掌不倦

張雲章樸菴集仲子所居曰藝圃清流演漾古木叢茂隔岸巖石列峙狀若樹蔭蓋相國文文肅公之故居所謂清瑤峽者也仲子以攻詩工畫闇於吳中求仲子之甚必得其題句以爲重雖不識仲子者見其畫與詩皆可世獨立不讓古之遺民焉
畫徵續錄學在工詩善書畫山水撫法雲林涉筆超傳爲時所重晚年建二姜先生祠於虎邱又築諫草樓於祠後爲棲息所足不入城市人稱鶴澗先生

芮玉權招飲同章頌叔諸子卽席分賦

選石支茶籜留賓啟竹關繞籬雙澗水對酒一樓山屋小疑僧住林空羨鳥還買田吾有意終傍二溪間

卽事寄吳門知交

相思不可道日暮更登臺樹影當窗合溪流抱郭來停杯山雨到打鼓客船開獨有忘機鳥飛鳴去復回

程汝諧移居

斟酌橋邊市花園巷裏居石牆低見屋山溜暗通渠有客攜詩卷從親奉板輿此中多勝境應不羨華裾

題黃鶴山樵聽雨樓卷

湖天過雨水冥冥吹綠東風草一汀絕似銅坑橋上望遠山

如髮向人青

張可仕

一首

可仕字文峙以字行自稱紫淀老人應天人都督可

大弟有落葉哀蟬集願不願集編年稿擊磬集

帝里明代人文畧張逸名文峙七歲能讀楚詞爲諸
生易爲根柢有用之學南大司馬范公景文諭以江
防策文峙臚陳古今方畧撰南樞志一百七十卷虞
山太史爲之傳曰文峙慷慨有大志孤行側出歎石
燭而憂天墜非時人所知也家鍾山之陽塾巾壞服
往來楨霞雨花間出無童入無虛冬無裘夏無葛寢
不杖病不藥行忘之遊忘返行吟野哭嘻嘻咄咄
已冬積雪拒門擁衣寒餓詠雪滿山中之句賦詩四
章歲暮懷友十六章踰年病死所著紫淀老人編年
稿五十五卷選宋元詩十卷明布衣詩百卷沒後皆失
散猶子瑤星作遺書歎以傷之

門掩寒雲溼數重深嵐一徑埽花封草堂終古通仙驛蓮漏
何心答暮鐘鸚鵡夢殘人得句芙蓉香冷月當胸半編黃鶴
騎雲讀卜宅依然七十峯

張可度

二首

可度字二嚴可仕弟自稱罽箇老人有鴻雪草墨莊
罽箇道人詩集

池北偶談張可度楚人家金陵好佞佛一食清齋道
然終日見文峙能詩與歸安茅元儀善茅死有姪楊
宛以才色稱戚畹田宏遇欲得之以千金賣文峙求
渝意文峙范不與通范文貞公禮爲上客公殉國文
峙設位雨花臺爲文哭之

廬山雜詩

父居黃閣女崆峒流水桃花石室中多少男兒淪落盡神仙

邵讓李騰空

題盛林玉空山冒雨圖

孤舟傍岸借煙霞
松裏藤蘿映月華
曉起不知風雨冷
南村有客伴尋花

嚴調御二首

調御字印持餘杭人與弟武順敕齊名有三嚴作朋

集

黎遂球蓮鬢閣集印持先生與問子將爲小築社四方文人多裏報數千里至不則亦載書而馳數十年來所爲公卿宰輔當塗要津先生固嘗拍肩相友及兒子呼之而先生經術宏辭淵然內足乃獨以諸生老先生善書於顏得其深於蘇米得其瀟灑又善琴爲詩悲感抑揚述時事憂危之狀頗多似杜而其閒逸自得不爲物遷之旨則神情韵况又皆似陶田按三嚴性情樸野詩句率質生當末季朝局水火

寇盜縱橫讀其詩有世外桃源之樂

病思竟適心和先生餉及率爾賦謝

余生愛茹草蓆竟得其真年衰胃寒薄猶覺竟味真城中多廣秧麤澀煮不馴往寓有隙地勸奴羹漑頻柔苗類稚子初猶恃嬌憐撫視意有餘瞿瞿皆挺身朝朝畏雨潰創合喜雨新一摘飽數客上鼻肥香津清腴蓆爲師菘韭皆稱民今來慧日峯故畦成荒屯鄰畦竟常滿老鑿未沾唇邵父知我餓晨餉類束薪嫩欺春盤菜綠失雨後筠伊余方卧疾對食雙眉顰付奴慎細煮料理鹽豉勻入口沁心脾此情高秋旻老翁區區意俗故未可論

秋來歎

夕鳥向山雙滅沒空煙處渺然萬古心羈栖尙延伫

嚴武順

二首

武順字忍公

答無赦弟示補兒就傅詩次韻

舐犢癡情似老牛塗鴉甯違慰余愁遺書滿架何時讀好句
高軒未解酬小學也憐兒輩及衰年倍昔歲華流與君應憶
同堂事此日閒宜共一邱

古秋堂卽事

庭樹風搖半已焚寄生猶見昔年人身經老賤惟知退世值
荒艱益耐貧加飯肯分迎客大折腰羞拾落巢薪衰窮亦有
閑持勵敢恃清權恣覽淪

嚴敕五首

敕字無敕

遺病走筆和韻答恐兄

債與歲俱迫病隨閑有餘清時甘自負白業肯教疏拙劣渾
多句窮奇猶剩書何時共瀟洒同駕鹿門車

十一月十七日伯仲兩兄偕子姪輩自村居之武康期

卽來夜候不至遺懷

缺月來亦晏扁舟胡遲行寒宵耐深坐一水動遠情笑語可
不隔相思殊未平徘徊茅屋下霜色已三更

大兄寄示憩別許菴詩次韻

一生除學道盡屬夢難憑小歇分禪榻高談折老僧偈心呈

古壁茶眼沸炊藤蔓以家無憚依依方外朋

家居書懷寄兩兄山中

束書閣筆費躊躇婦病厭厭僕又痛一室關春蠶自遣空囊
需酒強沽風傳鳥語山情近雨逼詩愁花事徂此日西湖
好兄弟煙波雲樹夢中俱

和忍兄督釀用原韻

水色同眼碧秋光耀雪明俄聞妙音裏怒發松風聲